



告領要經袖珍



MG
B976
256

天主降生一千九百三十三年

告領要經袖

珍

上海土山灣第四版印



3 1771 1307 7

南京主教惠重准

解罪前誦

天主生我養我，賜我靈魂，具備明悟，奉獻
記念三司，肉軀五司，以至入教，種種恩
我雖得罪，寬俟至今，容我改過，我乃大罪
棄人，他人尤愈於我，主即施以刑罰，主爲
我罪惡，降世爲人，受多苦難，我實下愚，不
知報本。主愛我，視我猶子，我不能視主猶
父，每甘爲魔役。我如此背逆得罪，今叩首
下地，不敢仰面，專心求主，賜我能誠心痛

悔、望主受我。論我頑惡、本宜不受。但念爲
主所生贖、懇主受納。伏望仁慈、加我矜憐。
主若棄我、我將呼誰。我有疾傷、主能療我。
我之盲瞽、主能開明。我靈罪死、主救我罪、
能賜聖寵復活。至異日見主於天上、偕神
聖享永福。我今涕泣呼主、勿計我前犯。視
我如昔聖伯多祿哀悔、主卽赦之。伏乞憫
我佑我、昇我神健。懇求仁慈聖母瑪利亞、
光照我神明見我罪。庇我勿忌羞赧、向司

鐸實告我罪。

亞孟。

解罪規畧

教友若要妥當告解，必該按着五條規矩。
第一，該當細心省察。按着十誡、四規、七罪、
逐條查對。再將本業本分，或所住之地，所
交之人，并向有之罪根、習慣、之毛病、件、件
都該細考。次數，亦要記得明。如日久不能
記清，亦該有一大概數目。第二，該發愛主
之情，真悔極痛所犯之罪。第三，該定志從

今以後、寧死再不敢復犯。第四、告罪時、先
免冠、向苦像、跪在神父之側。稽首求神父
降福、作聖號、念解罪經。到告我大罪、即跪
直合掌對心。起初該說從領洗、或上次告
解以來、已有多少時候。再說上次補贖、或
已做、或未做、聖體領過幾次。後該簡捷明
白、牢實告說所有之罪、如同告仇人一樣。
不但明知有罪者該告、即畧有疑惑者亦
該告。總之、心有不平安者、全全陳明、必不

留一不放心之情節。既將所有之罪全告，末當云：恐有遺忘者，或雖有罪，自己不知道者，懇求神父全赦。倘神父查問，亦當牢實答應。若有訓言，必該聽命遵行。所命補贖，尤當謹記不忘。如有不能行者，當時可求寬免，或求更換。後當念完解罪經，後半節。神父念赦罪經時，當再發上等痛悔。後求領幾回（比方七回）聖體。倘神父不准，亦當聽命，不可勉強。禮畢，作聖號，叩謝而出。

解罪後誦

吾主耶穌潔淨之泉、義德之源、仁慈之海。
聖經云、渴者來飲、重任者來輓。主言真實、
我久懷義德之渴、負重罪之任。因趨赴告
解聖事、渴者能飲、任者能輓。望主無際仁
慈、賜我全赦、加我神力。保存潔淨、忻慕義
德、遠棄罪逆緣引、克勝三讐叢計。專務補
缺、事事翕合主旨、承行聖命。亞孟。
求領聖體祝文

維茲聖體，領之何爲。耶穌聖身，聖血聖魂，
無不俱備。聖父聖子聖神，允咸赫臨。重罪
之人，何容妄領。但吾主勸諭，領者必獲天
堂常生。又何敢不領。今我神糧匱乏，力量
虛微。願滌我心，願堅我德。愼我言動，行我
苦工，提正抑邪，心切神領。庶幾鑒此微誠，
不嫌愚蒙，特賜實領，臨格我心，常存寵照。

亞孟。
信德經

天地大君、救世者主。不棄我等卑污、願進
我心中。似此莫大榮施、我等如何敢當。祇
因耶穌聖言堅確不移、故我實信聖體中、
卽具當日降生於馬槽、後被釘於十字架
上之肉軀實血、全全降臨。今我目雖不見、
較之所見更真。我信吾主不離天堂。我信
吾主亦寓麴形內。我信吾主聖體光榮充
滿我心。我信吾主聖體寵佑、增我神力。懇
祈自今而後、結合我心、時時無間、永加我

之信德。

望德經 亞孟。

至仁至慈之主。救我靈魂、以爾尊貴之身、
全全愛結于我。如是大恩、且無所吝、更有
何恩、不願賜我。懇祈天主全智、永照我等
罪人。我甚貧窮、望其濟我。我甚軟弱、望其
扶我。我之心思、念慮、易致搖動、望爾自今
以後、堅我勵我。主持我心、使我常聽主訓、
行善至死。全賴吾主耶穌基利斯督、充我

所望。亞孟。

謙遜經

天地大君、至仁至慈之主。我固常望寵佑，
但我返心自問、真大罪人、真卑賤人。物雖
無功、亦無其罪。我爲物靈、反常得罪。我實
愧悔無地、焉敢輕領耶穌至潔之體。今惟
賴主仁慈寬容、赦我諸罪、以爾聖寵、賦於
我之靈魂。俾我常遵主命、克除傲念、效爾
謙德。以後勉力爲善、再不爲惡。迨至死期、

庶得目睹天主之聖容。 亞孟。

小悔罪經

天主耶穌基利斯督。我重罪人，得罪於天主。而今爲天主，又爲愛天主萬有之上，一心痛悔我之罪過，定心再不敢得罪於天主。望天主赦我之罪。 亞孟。

情願經

吾眞主，吾恩主。生養救贖吾儕，復願進我心中，加我靈佑。我實愛慕至切，時常想望。

願得恭領聖體、以爲我心之托、我罪之救、
我弱之助、我力之策。但我罪惡至極、恐致
褻瀆。今惟賴聖母瑪利亞、護守天神、本名
聖人、及一切天朝聖人聖女、以其勳勞、補
我所行之缺。代我轉祈聖父、罷德肋、以其
所愛之子耶穌、結合我心、滿我所願。亞

領聖體前誦

聖人若翰、自胎時爲聖、嘗謙言曰、罔敢與

主釋屣帶。聖伯多祿宗徒之長、尙曰、吾主耶蘇、當遠我、勿近我。我乃大罪人、二大聖如此謙遜敬畏、我且如何。我罪惡彌身、曷敢近主。主降世時、療痊聾聾瘡疾諸人、命死者復活、每與罪人言談坐食。我常得罪、猶如聾聾瘡疾、如死者然。求主療我活我、望賜聖體。但我罪人、何敢望領。因主昔有遺言曰、人若不領主聖體、罔能生活、乞賜領受。亞孟。

領聖體規矩

人欲求領聖體，先該妥行告解，求神父准
領。既蒙允准，該想明日至尊至貴之主要
到我心中，該當如何預備。諸般俗事，能使
我分心者，都該離開。一切神工，能中意天
主者，勉力奉行。從半夜起，即禁止各種飲
食。清早起，身洗臉，默想誦經。後入堂恭與
彌撒。此時當謙悔祈求。自問己心，一無善
狀，何敢輕領聖體。但因天主之命，又何敢

不頌。惟仰賴聖母、諸天神、諸聖人、聖女、及
護守天神、本名主保、相助我之靈魂、能妥
當善頌。更要緊者、當發信望愛三德。信者、
實信聖體、真是造天地萬物之主。亦是當
目降生於馬槽、後被釘於十字架、并將來
審判萬民者、不可有一毫疑惑。望者、望天
主全慈、赦我一生罪過。賜我聖寵、修飾我
之靈魂。降我心中、永不相離。愛者、因聖體
大恩、萬萬超過別的恩典。實爲愛我至極、

故親來進我心中，助我爲善，敢不愛此真
主於萬有之上乎。至神父領聖體時，即往
前跪拜，誦解罪經。鐸德降福，即作聖號領
受。鐸德捧聖體向衆，當鞠躬拊胸，真心痛
悔。後仰首啟口恭領，不可加齒，漫漫嚥之，
亦可用清水送下。退歸本位，存想感謝，慚
愧祈求，奉獻誦領聖體後等經。彌撒將終，
不可同衆俱起，亦不可口吐津液，當存想
聖體大恩一二刻。是日，宜加倍留神，庶不

負聖體之洪恩也。

鐸德捧聖體時誦

卑污罪人、辱主俯臨我心、曷以當之。伏惟
吾主特降一命、我心諸疾、必全愈矣。

領聖體時誦

祈望耶穌靈魂聖我、耶穌聖體救我、耶穌
聖血淨我。

謝聖體經

已領聖體祝文

我謝天主，我感天主。今日臨我胸中，比死
後援我升天，厥恩更親，厥功更大。我今永
時永日永歲，常憶天主救贖之奇愛。常思
聖母敬供之隆情，常如三王來朝之盛禮。
周日存想，一生不變。庶得天主常存我心，
常持我口，常保我身。亞孟。

敬拜經

吾主耶穌。以爾聖身，降我心中。我今俯伏
恭向敬拜爾恩，欽崇爾德。深謝爾以全能

變化、永留聖體大祭於人間、俾我等常荷
神佑。即合天朝神聖、天下人民、亦難報於
萬一。懇求吾主耶穌、恕我卑賤、補我虧缺。
令我時發熱愛、仰慕天上光榮、讚揚吾主
無對之尊。亞孟。

愛心經

吾主耶穌、以爾聖軀寶血、願作吾等神糧。
耶穌聖心、愛我至切。我今以愛還愛、以心
體心。以後定志改遷、遵守規誡、補贖所犯

罪過，至死不敢負恩負愛。懇求吾主耶穌，
賜我熱愛之火，以熱我心。亞孟。

感謝經

吾主耶穌。生我養我，救贖於我。今復斂其
光榮，以爾尊貴之體，降臨我極污心中，生
活我之靈魂。我實感恩無盡，願同天下萬
民，稱頌吾主之洪恩。亞孟。

祈求經

吾主耶穌，基利斯督。懇求耶穌之聖靈佑

我、懇求耶穌之聖身救我。懇求耶穌聖傷
之血潔淨我、懇求耶穌之苦難聖死堅我
屬我。嗚呼、伏望仁慈之主、垂允我禱。勿棄
我、勿拒我、救我於諸讐諸惡。凡我親戚友
朋、亦求主加之聖寵神佑、改邪歸正。迨至
死後、俾我等獲觀天主光榮。同諸天神靈
人、常享永樂於無窮。

奉獻經

吾主耶穌。賜我聖身聖血、常存我心、我固

時感時謝。但我罪人、無功無德、無可奉獻
於主。懇求吾主耶穌、憐我直誠、納我所獻。
我願將靈魂肉身、三司五官、全獻於主。奉
獻明悟、願明天主與理。奉獻記念、願想天
主經言。奉獻愛欲、願常熱愛於天主。自今
而後、獻我目不觀非禮之物。獻我耳不聽
非禮之言。獻我口不出非禮之聲。獻我心、
不動非禮之念。統獻一身、願用恭敬天主。
懇求吾主耶穌、加我神力神勇。
亞孟。

頌聖體後誦

至仁至慈天主。我受主無極恩惠，無可稱
謝。我重罪多惡，思言符爲，無不得罪，身神
污穢。主不但，不罰我，更寬裕待我。肫切動
我，悔恨前愆，改遷無怠。更忘我罪，容我近
主，領主聖體。令我神內，得懷上天下地，無
比尊美。主在世時，凡誠心近主，無不取益
適願。有罪者被化，改惡遷善。病者獲愈，憂
者獲慰，苦者獲安，愚者獲明。今蒙主仁慈，

得我罪之赦、我病之愈、我憂之慰、我苦之
安、我愚之明。主在我心、爲我心、主求主常
居、勿棄我。以主聖意、爲我心志。庶恒懷主、
須臾不離。善生安死、偕主享主、至於無窮。

亞孟。

感謝吾主耶穌、無價珍寶神糧。賜助神力、
免陷罪惡、易走天堂之路。

向耶穌苦像誦

吁、純善至溫之耶穌。我今跪伏爾前、憶昔

先知達味代爾言曰、彼輩鑽予手足、數子
諸骸、吁、純善耶穌。我將此懸擬於目前、傾
心熱衷、懇爾禱爾。乘我摯愛極恫、默覩爾
五傷時、卽以信望愛活潑之情、我罪之真
悔、悛改之堅志、銘刻於我心中。

天主經

聖母經

聖三光榮頌各六遍

右經係教皇庇護第七位參訂。教皇格肋孟
德第八位、與本篤第十四位、先後准定。凡告
解領主、於苦像前、悔心虔誦斯經、且誦時有

求主爲聖教要務之意者，即得全大赦。亦可讓於煉靈。後教皇庇護第九位重諭，除告解領主悔心虔誦右經外，又須照常加念他經，按教皇之意求主，方得全赦。

耶穌聖體禱文

啟天主矜憐我等。

應基利斯督矜憐我等。

天主矜憐我等。

啟基利斯督俯聽我等。

應基利斯督垂允我等。

啟在天天主父者。

贖世天主子者。

聖神天主者。

三位一體天主者。

性命之糧自天而降者。


耶穌聖體人之性命者。

隱藏救世之天主者。

以聖愛永愛吾人者。

與主遊往未嘗有厭者。

應矜憐我等。



啟與主交友有善樂者。應矜憐我等。

膏糧及帝王之珍膳者。

至潔之聖筵。與主偕燕有愷樂者。

天神之糧者。

活糧健裨普衆者。

真飲樂普衆者。

敬畏主者之大慰。

主之神契甘於密。

主之遺味超絕諸美。

啟簡越者之神糧。

應矜憐我等。

生育童貞之醴。

奧蘊之瑪納。

吾生吾德諸望所從出者。

眞道正學之恩所由來者。

天主奇異諸事之標蹟。

厚養人之糧者。

費畧降生之本體。

與世遊王者。

啟無玷之綿羔者。

聖祭之聖品及降福之爵者。應矜憐我等。

預防諸罪之天藥者。

天主仁愛之首榜者。

恩賜之第一恩賜者。

吾衆罪之恩赦者。

天主恩惠之流溢。

常生之劑。

本體以筵賓者。

啟天神供案量飴之筵者。應矜憐我等。

仁愛之聯合者。

自爲獻品而且爲獻者。

神飴之原者。

諸聖魂之飽飫。

善終之資。

身後眞福之質。

望主垂憐。

望主垂憐。

應主救我等。
應主允我等。

於干冒天主聖體聖血之罪。應主救我等。

於肉身之私欲。

於目之妄視。

於心之倨傲。

於諸罪過之誘。

爲主同宗徒行聖教大禮者。

爲主至謙濯門徒之足者。

爲主之至愛立聖體之奧禮者。

爲主寶血恒留聖臺者。

啟·爲主聖躬五傷、爲吾儕所受者。

主救我等。

罪人。

應求主俯聽我等。

啟求賜我等、堅存眞信、虔奉主之聖體者。

應主俯聽我等。

求免我等、陷諸異端、與諸惡情。

應主俯聽我等。

求賜我等、時受斯至奧至重之鴻恩。

求賜我等、臨終之時、以此聖血、撫慰堅

定我心者。

天主子者。

應求主俯聽我等。

除免世罪天主羔羊者。

應主赦我等。

除免世罪天主羔羊者。

應主允我等。

除免世罪天主羔羊者。

應主憐我等。

啟 基利斯督、俯聽我等。

應 基利斯督、垂允我等。

啟 天主矜憐我等。

應 基利斯督矜憐我等、天主矜憐我等。

啟 在天我等父者。至又不我許陷於誘惑。

應乃救我於凶惡。
啟吾至仁至慈之主，建立諸異蹟之標。
應以食諸敬畏已者。
啟吾主自天畀我之食。
應自含諸甘馨。
啟吾主自主聖臺，我等恭領耶穌聖體。
應吾身心所向而生踴躍者。
啟望主俯聽我禱。
應我號聲上徹於主。

啟請衆同禱。

吾主耶穌，活天主子。初因

聖父之旨，及聖神之功，以主寶死，致世人復活者。求爲主聖體聖血之尊奧，脫我於諸罪，及諸凶惡。俾我常依主命，永不違離於主。

吾主俯聽我籲，療我靈疚。使我既獲主赦，永樂於主之眞福。

天主於斯奇妙之禮，初遺主受難之跡者。使我欽崇聖體聖血，可時獲主洪錫。

天主預備不可見之諸美，酬諸具愛德者。乞賦我愛主之誠心，令我事事愛主，且愛主萬有之上，以終獲享主所許真實之永福。

天主聖體及諸聖誠，咸令我自新，克肖主像。乞導我獲履真道，以主仁慈實獲主愛之賜。凡所命我輩仰望者，惟爲吾主耶穌基利斯督，偕爾偕聖神，世生世王。亞孟。

凡諸信者靈魂、賴天主仁慈、息止安所。
亞孟。

告領要經袖珍終

24

246081

SKBC

MG

976.1

56